

փառաւոր զանկակներուն. նոյնպէս և Իլախ ազգի և Ըռուզ ազգի եկեղեցիք զանկակներով այրեցան. ո՛հ, թէ մեծ և գեղեցիկ զանկակներ այրեցան, զի գին չունէին: Եւ այս եղեւ վասն չարաչար և ազգի ազգի անօրէնութեանս մերում. զի անօրէնութեանք մեր առաւել բարձրացան քան զգլուխ մեր, ըստ Դաւթայ. զի ոչ գոյ ի միջի մերում սէր և միաբանութիւն և ոչ խոնարհութիւն, ոչ ի մէջ եկեղեցականաց և ոչ ի մէջ աշխարհականաց՝ բարեգործութիւն ոչ գտանի. այլ ամբարտաւանութիւն և հպարտութիւն և սխալակալութիւն, ազահութիւն և նախանձարեկութիւն. վասն որոյ մարգասէրն Աստուած պատուհասեաց զմեզ՝ իրրեւ զՍողոմ և Գոմար, Զոր նմա փառք ի յամենայնի յաղագս այսորիկ. ամէն:

1603-2. ԹՎ. ՌԾԱ. Վաղճանեցաւ Տէր Աբրահամ քահանայն. Աստուած ողորմի հոգուն:

1603-4. ԹՎ. ՌԾԲ. Վաղճանեցաւ Բանի Կուլաֆն, կենակից պարոն Միխնոյ երեսփոխանին. Աստուած ողորմի իւր հոգուն:

1603-4. ԹՎ. ՌԾԲ. Վաղճանեցաւ Եագուպ Պէնէշ երեսփոխան. Աստուած ողորմի իւր հոգուն:

1604. ԹՎ. ՌԾԳ. մայիս ԻԹ, օրն երեքշաբթի: — Տէր Յովանէս քահանայն որդի Սիմոնի յանկարծամահ եղաւ. Աստուած ողորմի իւր հոգուն:

1604-5. ԹՎ. ՌԾԳ. Բան Հարպուրթ՝ որ էր վոյվոտա Բուսքիյ, առ Աստուած փոխեցաւ. Աստուած ողորմի իւր հոգուն:

1604-5. ԹՎ. ՌԾԳ. Վոյվոտայ Վօլլենցքիյ Գնեազ՝ Օլէքսանդր քնեազ Վասիլիյին որդին մեռաւ:

1604-5. ԹՎ. ՌԾԳ. Թուրքի խոնտիքարն սուլթան Մահմատ մեռաւ, ինն ամ թագաւորեաց և ապա և փոխանակ նորա նստաւ որդին իւր սուլթան Ահմատ:

1604-5. ԹՎ. ՌԾԳ. Սեպտեմբերի Ա. Զոմն մեծ իշխան Սդանխալաւքիյ անուն՝ խարախիք սպանեցին, և զծառայ մի ընդ նմին, և ինքեանք փախեան և ելին յերկրէն:

1604-5. ԹՎին ՌԾԳ. Վաղճանեցաւ Վարդան երեցփոխան. Աստուած ողորմի իւր հոգուն:

1605-6. ԹՎ. ՌԾԳ. Բան Սգրուս անուն Իւրիյ՝ առ Աստուած փոխեցաւ. Աստուած ողորմի իւր հոգուն:

1605-6. ԹՎ. ՌԾԳ. Վաղճանեցաւ Քանցլէր Բան Եան Զամոյսքիյ, որ էր երկրորդ թագաւորին, և էր քաջ և արի պատերազմող և հմուտ կռույց,